

禮儀典第一百五十八卷

天地祀典部彙考十二

金

太祖收國元年五月拜天射柳 按金史太祖本紀收國元年夏五月庚午朔避暑於近郊甲戌拜天射柳故事五月五日七月十五日九月九日拜天射柳歲以爲常 按禮志拜天金因遼舊俗以重五中元重九日行拜天之禮重五於鞠場中元於內殿重九於都城外其制刳木爲盤如舟狀赤爲質畫雲鶴文爲架高五六尺置盤其上薦食物其中聚宗族拜之若至尊則於常武殿築臺爲拜天所重五日質明陳設畢百官班俟於毬場樂亭南皇帝靴袍乘輦宣徽使前導自毬場南門入至拜天臺降輦至褥位皇太子以下百官皆詣褥位宣徽贊拜皇帝再拜上香又再拜排食拋盞畢又再拜飲福酒跪飲畢又再拜百官陪拜引皇太子以下先出皆如前導引皇帝回輦至幄次更衣行射柳擊毬之戲

太宗天會元年秋九月卽皇帝位告祀天地 按金史太宗本紀天會元年九月丙辰卽皇帝位己

未告祀天地丙寅大赦中外改天輔七年爲天會元年

海陵貞元四年正月以上尊號祭告天地 按金史海陵本紀貞元四年正月己酉羣臣奉上尊號曰聖文神武皇帝 按禮志貞元四年正月上尊號前三日遣使奏告天地於常武殿拜天臺設褥位昊天上帝居中皇地祇居西少却行一獻禮

世宗大定三年九月拜天於北郊 按金史世宗本紀大定三年九月秋獵以重九拜天於北郊

大定七年春正月以受尊號祭告天地 按金史世宗本紀大定七年正月壬子上御大安殿受尊號冊寶禮 按禮志大定七年正月十一日上尊號前三日命皇子判大興尹許王告天地判宗正

英王文告太廟於自來拜天處設昊天上帝位當中南向皇地祇位次西少却並用坐褥位牌及香酒脯饗等祝版三學士院撰告祝文書寫訖進請御署訖以付禮部移文宣徽院并差控鶴官用案舁覆以黃羅帕隨所差告官詣祀所前一日告官等就局所致齋一日告日質明宣徽院太常寺鋪設供具如儀閣門舍人一員太常博士一員引告官各服其服以次就位禮直官舍人稍前贊有司謹具請行事贊者曰拜在位者皆再拜禮直官先引執事官各就位舍人博士次引告官詣盥洗爵

洗位北向立搢笏盥手帨手洗爵拭爵執笏詣酒尊所搢笏執爵司尊者舉鬯酌酒告官以爵授奉爵酒官執笏詣昊天上帝皇地祇神位前再拜每位三上香跪奠酒訖以爵授奉爵官執笏俛伏興舉祝官跪舉讀訖俛伏興告官再拜告畢引告官以下降復位再拜訖詣望燎位燂祝版再拜半燎告官已下皆退

大定十一年有事於圜丘 按金史世宗本紀大定十一年冬十一月丁亥有事於圜丘大赦 按

禮志大定十一年始郊命宰臣議配享之禮左丞石琚奏曰按禮記萬物本乎天人本乎祖此所以祖配上帝也蓋配之者侑神作主也自外至者無主不止故推祖考配天尊之也兩漢魏晉以來皆配以一祖至唐高宗始以高祖太宗崇配垂拱初又加以高宗遂有三祖同配之禮至宋亦嘗以三帝配後禮院上議以爲對越天地神無二主由是止以太祖配臣謂冬至親郊宜從古禮上曰唐宋以私親不合古不足爲法今止當以太祖配又謂宰臣曰本國拜天之禮甚重今汝等言依古制築壇亦宜我國家紬遼宋主据天下之正郊祀之禮豈可不行乃以八月詔曰國莫大於祀祀莫大於天振古所行舊章咸在仰惟太祖之基命詔我本朝之燕謀奄有萬邦於今五紀因時制作雖增飾

於國容推本奉承猶未遑於郊見況天休滋至而年穀屢豐敢不敷繹曠文明昭大報取陽升之至日將親饗於圓壇嘉與臣工共圖熙事以今年十一月十七日有事於南郊咨爾有司各揚乃職相予肆祀罔或不欽乃於前一日遍見祖宗告以郊祀之事其日備法駕鹵簿躬詣郊壇行禮 儀注齋戒用唐制大祀散齋四日致齋三日中祀散齋二日致齋一日天子親祀皆前期七日攝太尉誓亞終獻官親王陪祀皇族於宮省皇族十五以上官雖不至七品者亦助祭受誓又誓百官於尙書省攝太尉南向司徒北向監察御史在西監禮博士居東皆相向太常卿在司徒後重行北向司天監光祿丞太廟令丞大樂令丞太官令丞良醢令廩犧令郊社丞司尊太祝奉禮郎協律郎諸執事官皆重行西上北向禮直官以誓文授攝太尉乃誓曰維某年歲次某甲某月某日某甲皇帝有事於南郊各揚其職其或不恭國有常刑禮直官贊曰七品以下官皆退餘皆再拜退誓於宮省之儀皆同於是皇帝散齋於別殿前致齋一日尙舍設御座於大安殿當中南向設東西房於御座之側設御幄於室內施簾於楹下享前三日陳設小次享前一日設拜褥及皇帝版位皇帝飲福位及黃道氈褥自玉輅下至升輿所方致齋之日通事舍人引文武五品以上官陪位如式諸侍衛之官各

服其器服並結珮俱詣閤奉迎上丑二刻侍中版奏外辦皇帝服袞冕結珮乘輿出警蹕侍衛如常儀皇帝卽御座東向坐通事舍人承傳殿上下俱拜訖西面贊各祇候一刻頃侍中跪奏臣某言請降就齋俛伏興還侍位皇帝降座入室羣官皆退諸執事官皆宿於正寢治事如故不弔喪問疾不判署刑殺文字不決罰罪人不與穢惡事致齋日惟祀事則行餘悉禁已齋而闕者通攝行事陳設前祀五日儀鸞尙舍陳設齋宮有司設扈從侍衛次於宮東西又設陪祀親王次宮東稍南西向北上宗室子孫位於其後又設司徒亞終獻行事執事官次於壇南外壝門之西東向北上重行異位又設天名房在壇南外壝門之東西向大禮使次於其後皆西向又設席大屋於壇外西北駐車輅以備風雪祀前三日尙舍設大次於東壝外門內道北南向又設小次於壇下卯陞之北南向有司設饌幔於東壝中門之北南向設兵衛各服其器服守衛壝門每門二人郊社令帥其屬埽除壇之上下及壝之內外乃爲燎位在南中壝東門之東壇之巳位又爲瘞坎在中壝內戌位祀前二日大樂令帥其屬設登歌之樂於壇上稍南北向玉磬在午陞之西金鐘在午陞之東祝一在鐘前稍北敵一在磬前稍北東西相向歌工之次餘工各立於縣後琴瑟在前匏竹在後於壇下第一等上

皆重行異位北向又設宮縣樂南墀外門之外八佾二舞表於樂前又設采茨樂於應天門前祀前一日奉禮郎升設皇帝版位於壇上辰巳之間北向又設皇帝飲福位於其左稍却北向又帥禮直官設亞終獻位於卯陛之東北西向上司徒位於卯陛之東道南南向禮部尙書太常卿光祿卿禮部侍郎位各次之太常丞光祿丞又次之又設大禮使位於小次之左少却西向又設分獻官司天監讀冊中書侍郎位於中墀門道北西向郊社令廩犧令大官令良醢令位於其後又設郊社丞大祝奉禮郎以下諸執事官於其後皆西向重行異位又設從祀文武羣官一品至五品位於中墀門內道南南向皆重行立又設助奠祝史齋郎位於東墀門外道北西向又設陪祀皇族位於道南西向六品至九品從祀羣官又於其南皆西向重行異位各依其品又設監察御史二員一員在午陛之西南一員在子陛之西北皆東向又設監禮博士二員一員在午陛之東南一員在子陛之東北皆西向又設太樂令位於樂簾之間稍東西向協律郎位於樂簾之西東向又設奉禮郎位於壇南稍東西向贊者次之司尊位於酌尊所俱北向又設牲勝於外墀東門之外西向饌勝於其北稍西南向牲勝之東牲位太史太祝各位於牲後俱西向又設禮部尙書太常卿光祿卿位於牲勝南

稍北西向太常丞光祿丞太官令位於其後監察御史監禮博士於禮部尙書位之西稍却北向廩犧令位在牲位西南北向又陳禮饌於饌榜之前案上末後三刻陳饌之時又設禮部尙書太常卿光祿卿位於案前稍東北上西向太常丞光祿丞太官令位於其後西向又設監察御史監禮博士位於案前稍西北上東向又設異寶嘉瑞位於宮縣西北太府少監位於寶後諸州歲貢位於宮縣東北戶部郎中位於其後天子八寶位於宮縣西南符寶郎八員各於寶後伐國毀寶位於宮縣東南少府少監位於其後又設大樂令位於宮縣之北稍東協律郎二在大樂令南東西相向司天監末後二刻同郊社令升設昊天上帝皇地祇神座於壇上北方南向地祇位在東稍却席皆以臺秸太祖配位座於東方西向席以蒲越五方帝日月神州地祇天皇大帝北極神座於壇上第一等席皆臺秸內官五十四座五神五官嶽鎮海濱二十九座於壇第二等中官一百五十有八座崑崙山林川澤二十一座於壇上第三等外官一百六座丘陵墳衍原隰三十座於內壝之內衆星三百六十座在內壝之外席皆以莞神座版各設於座首又設禮神玉俟告潔畢權徹去壇上及第一等神位配日前五刻重設奉禮郎同司尊及執事者設天地配位各左十有一籩右十有一豆俱爲三行

登三在籩豆間簠一簋一於登前簠在左簋在右各於神座前藉以席又設天地位太尊各二著尊各二犧尊各二山罍各二壇上東南隅配位著尊二犧尊二象尊二在天地位酒尊之東俱北向西上皆有坫加勺鬯爲酌尊所又天地位象尊各二壺尊各二山罍各四在壇下午陛之南北向西上配位壺尊二山罍四在西陛之北東向北上皆有坫設而不酌亦左以明水右以元酒又設五方帝日月神州地祇天皇帝大帝北極第一等皆左八籩右八豆登在籩豆間簠一簋一在登前爵坫一在神座前第一等內官五十四座五神五官嶽鎮海濱二十九座每座籩二豆二簋一簋一俎一爵坫一第三等中官一百五十八座崑崙山林川澤二十一座及內壇內外官一百六十座丘陵墳衍原隰三十座內壇外衆星三百六十座每位籩二豆二簋一簋一俎一爵一又設第一等每位太尊二著尊二皆有坫加勺第二等每陞山尊二第三等每位蜃尊二內壇內外每辰槩尊二皆加勺自第二等已下皆用匏爵先洗拭訖置於尊所其尊所皆在神位之左凡祭器皆藉以席籩豆各加巾蓋又設天地及配位籩一豆一簋一簋一俎四及毛血豆各一并第一等神位每位俎二在饌幔內又設皇帝洗位於卯陛下道北南向盥洗在東爵洗在西匱在東巾在西篚南肆寶玉爵坫又設亞終

獻洗位在小次之東南向盥洗在東爵洗在西加勺篚在西南肆加巾又設第一等分獻官盥洗爵洗位及第二等分獻官二洗位各於其辰陞道之左疊在洗左篚在洗右俱內向執疊篚者位於其後太府監少府監祀前一日未後二刻帥其屬升壇陳玉幣昊天上帝以蒼璧蒼幣皇地祇以黃琮黃幣配位以蒼幣黃帝以黃琮青帝以青珪赤帝以赤璋大明以青珪璧白帝以白琥黑帝以元璜北極以青珪璧天皇帝以元珪璧神州地祇以元色兩珪有邸皆置於匣五帝之幣各從其方色凡幣皆陳於篚設訖俟告潔訖權徹去祀日重設祀日丑前五刻禮部設祝冊神座之右皆藉以案太常卿明燈燎戶部郎中設諸州歲貢於宮縣東北金爲前列玉帛次之餘爲從列皆藉以席立於歲貢之後北向太府監少府監設異寶嘉瑞於宮縣西北上瑞居前中下次之皆藉以席立於寶後北向少府少監設伐國毀寶於宮縣東南皆藉以席立於寶後北向符寶郎設八寶於宮縣西南各分立於寶南皆北向司天監太府監少府監郊社令奉禮郎升設昊天上帝皇地祇配位及壇上第一等神座又設玉幣各於其位太祝取瘞玉加於幣以禮神之玉各置於神座前乃退光祿卿帥其屬入寶祭器昊天上帝皇地祇配位每位鑊三行以右爲上形鹽在前魚鱸糗餌次之第二行榛實

在前乾桃乾榛乾棗次之第三行乾菱在前乾芡乾栗鹿脯次之豆三行以左爲上芹蒚在前筍蒚
葵蒚次之第二行蒚蒚在前菁蒚魚醢兔醢次之第三行豚肺在前醢醢醢食鹿麇次之簠黍簋稷
登皆大羹第一等壇上一十位每位皆實籩三行以右爲上形鹽在前魚鱸次之第二行乾榛在前
桃棗次之第三行乾芡在前榛實鹿脯次之豆三行以左爲上芹蒚在前筍蒚次之第二行菁蒚在
前蒚蒚魚醢次之第三行豚肺在前醢醢次之鹿麇次之簠黍簋稷登大羹第二第三等每位籩二
鹿脯乾棗豆二鹿麇菁蒚俎羊一段內壝內內壝外每位籩鹿脯豆鹿麇俎羊一段良醢令帥其屬
入實尊鬯昊天上帝皇地祇大尊爲上實以汎齊著尊次之實以醴齊犧尊次之實以盎齊象尊次
之實以醢齊壺尊次之實以沉齊山罍爲下實以三酒配位著尊爲上實以汎齊犧尊次之實以醴
齊象尊次之實以盎齊壺尊次之實以醢齊山罍爲下實以三酒第一等每位大尊實以汎齊著尊
實以醴齊第二等山尊實以醢齊第三等及內壝內蜃尊實以汎齊內壝外及衆星概尊實以三酒
省牲器祀前一日午後八刻去壇二百步禁止行人未後二刻郊社令丞帥其屬掃除壇之上下司
尊奉禮郎帥執事者以祭器入設於位司天監設神位太府監少府監陳玉幣於篚未後三刻禮直

官引廩犧令與諸太祝祝史以牲就位又禮直官贊者分引禮部尙書太常卿光祿卿禮部侍郎太常丞監祭御史監禮博士廩犧令太官令太官丞詣內壇東門外省牲位立定乃引禮部尙書侍郎告潔畢請省牲禮部尙書侍郎及太常卿丞稍前省牲訖退復位次引光祿卿丞巡牲一匝光祿卿退光祿丞西向折身曰備訖乃復位次引廩犧令巡牲一匝西向躬身曰充又引諸祝史巡牲一匝首一員西向躬身曰膳畢俱復位禮直官稍前曰請省饌乃引禮部尙書以下各就位立定省饌訖禮直官引禮部尙書侍郎太常卿丞各還齋所餘官廩犧令與諸太祝祝史以次牽牲詣廚授太官令丞次引光祿卿丞監祭監禮詣廚省鼎鑊視滌濯畢乃還齋所晡後一刻太官令帥宰人以鸞刀割牲祝史各取毛血實以豆置於饌幔遂烹牲祝史乃取瘞血貯於盤奠玉幣祀日丑前五刻亞終獻司徒以下應行事陪從羣官各服其服就次司天監復設壇上及第一等神位太府監少府監陳玉幣太常卿郊社令丞明燭燎光祿卿丞實籩豆簠簋尊罍俟監祭監禮案視訖徹去巾蓋大樂令帥工人布於宮縣之內文舞八佾立於縣前表後武舞八佾各爲四佾立於宮縣左右引舞執纛

等在前又引登歌樂工由卯陞而升各就其位歌擊彈者坐吹者立奉禮郎贊者先入就位餘禮直官贊者分引分獻官監祭御史監禮博士諸執事及太祝祝史齋郎助奠執尊罍舉罍等官入自中壝東門當壇南重行西上北向立定奉禮郎贊拜分獻官以下皆再拜訖奉禮贊曰各就位贊者禮直官分引監祭御史監禮博士按視壇之上下糾察不如儀者退復位禮直官引司徒入就位西向立禮直官引博士博士引亞獻自東壝偏門入就位西向立又禮直官引終獻次於其位祀日未明一刻通事舍人引侍中詣齋殿跪奏請中嚴俛伏興又少頃乃跪奏外辦俟尚輦進輿乃跪奏稱具官臣某請皇帝降座升輿皇帝至大次乃跪奏稱具官臣某請皇帝降輿皇帝入次卽位於大次外贊明詣次前跪奏請中嚴少頃又奏外辦訖太常卿乃當次前跪稱具官臣某請皇帝行事俛伏興凡跪奏准此皇帝出次乃前導至中壝門殿中監進大圭太常卿奏請執大圭入自正門皇帝入小次位西向立太常卿乃與博士分左右立定乃奏有司謹具請行事降神六成樂止太常卿別一員乃升煙瘞血訖乃奏拜訖侍中升壇請詣盥洗位至位奏請搢大圭盥手訖奏請悅手皇帝悅手訖奏請執大圭乃引至壇上殿中監進鎮圭乃奏請搢大圭執鎮圭皇帝執鎮圭詣昊天上帝神座

前奏請跪奠鎮圭皇帝奠訖執大圭俛伏興侍中進玉幣乃奏請搢大圭跪奠玉幣訖乃奏請執大圭俛伏興少退又奏請再拜詣皇地祇及配位奠鎮圭玉幣並如上儀配位惟奏請奠鎮圭及幣奠玉幣畢皇帝還版位乃奏請還小次釋大圭皇帝入小次乃立於小次之南稍東以俟皇帝將奠配位之幣也贊者分引第一等分獻官詣盥洗位搢笏盥手執手執笏各由其陞升唯不由午陞詣神前搢笏跪太祝以玉幣授之奠訖俛伏興再拜訖各由本陞降復位初分獻將降也禮直官引諸祝史齋郎應助奠者再拜祝史各奉毛血之豆入各由其陞升諸太祝迎取於壇上奠訖退立於尊所

進熟奠玉幣訖降還小次有司先陳牛鼎三羊鼎三豕鼎三魚鼎三各在鑊右太官令丞帥進饌者詣廚以匕升牛羊豕魚自鑊各實於鼎牛羊豕皆肩臂肫肫胙正脊各一長脅二短脅二代脅一凡十一體牛豕皆三十斤羊十五斤魚十五頭一十五斤實訖器之祝史二人以扃對舉一鼎牛鼎在前羊豕次之魚又次之有司執匕以從各陳於每位饌幔位從祀壇上第一等五方帝大明夜明天皇大帝神州地祇北極皆羊豕之體並同光祿卿帥祝史齋郎太官令丞各以匕升牛羊豕魚於俎肩臂肫在上端肫胙在下端脊脅在中魚卽橫置頭在尊位設去鼎器光祿卿丞同太官令丞實

籩豆簠簋籩實以粉養豆實以糝食簠實稻簋實粱俟皇帝還小次樂止禮直官引司徒出詣饌幔所與薦籩豆簠簋俎齋郎各奉天地配位之饌司徒帥太官令以序入內壝正門樂作至壇下俟祝史進徹毛血豆降自卯陞以次出詔司徒與薦籩豆簠簋俎齋郎奉昊天上帝皇地祇之饌升自午陞太官令丞與薦籩豆簠簋俎齋郎奉配位及第一等神位之饌升自卯陞各位太祝迎於壇陞之道間於昊天上帝位司徒搢笏北向跪奉粉養籩在糗餌之前糝食豆在醢醢之前簠左簋右皆在登前牛俎在豆前羊豕魚俎次之以右爲上司徒俛伏興奉饌者奉訖皆出笏就位一拜司徒次詣皇地祇奉奠並如上儀配位亦同司徒及奉天地配位饌者以次降太官令帥奉第一等神位之饌各於其位並如前儀俱畢樂止司徒太官令以下皆就位訖侍中升自卯陞立於昊天上帝酌尊所以俟太常卿乃當次前俛伏跪奏請皇帝詣盥洗位俛伏興皇帝出次殿中監進大圭乃奏請執大圭至盥洗位奏請搢大圭盥手皇帝盥手訖奏請脫手皇帝脫手訖奏請執大圭乃詣爵洗位至位奏請搢大圭受爵又奏請洗爵皇帝洗爵訖奏請拭爵皇帝拭爵訖奏請執大圭以爵授奉爵官皇帝詣昊天上帝酌尊所執爵良醢令舉絜侍中跪酌太尊之沈齊酌訖皇帝以爵授侍中皇帝乃詣

昊天上帝神位前侍中進爵乃奏請搢大圭跪執爵三祭酒訖奏請奠爵奠爵訖奏請執大圭俛伏興又奏請少退立俟中書侍郎讀冊文訖乃奏請再拜詣皇地祇位及配位並如上儀獻畢皇帝還版位乃奏請還小次釋大圭皇帝入小次太常卿立於小次東南禮直官引博士博士引亞獻詣盥洗位搢笏盥手帨手訖詣爵洗位搢笏洗爵拭爵訖以爵授執事者執笏升自卯陛詣昊天上帝酌尊所西向立執事者以爵授之乃搢笏執爵執尊者舉罍盥令跪酌著尊之醴齊酌訖復以爵授執事者執笏詣昊天上帝神座前初亞獻至盥洗位文舞退武舞進樂作亞獻詣昊天上帝神座前搢笏跪執事者以爵授之乃執爵三祭酒奠爵執笏俛伏興少退再拜次詣皇地祇及配位並如上儀獻畢降復位禮直官引博士博士引終獻詣盥洗位盥手洗爵升壇奠獻並如上儀初終獻將升壇禮直官分引第一等分獻官詣盥洗位搢笏盥手帨手執笏各由其陛唯不由午陛諸神位酌尊所執事者以爵授之乃酌汎齊訖以爵授執事者共詣神座前搢笏跪執事者以爵授之乃執爵三祭酒奠爵執笏俛伏興少退再拜訖各引還本位初第一等分獻官將升贊引引第二等第三等內壇內外衆星位分獻各詣盥洗位搢笏盥手帨手酌酒奠拜並同上儀祝史齋郎以次助奠訖各還

本位諸太祝各進徹籩豆各一少移故處樂作卒徹樂止初終獻禮畢降復位太常卿乃當次前俛伏跪奏請皇帝詣飲福位皇帝出次殿中監進大圭乃奏請執爵三祭酒又奏請啐酒皇帝啐酒訖以爵授侍中乃奏請受胙侍中再以爵酒進乃奏請受爵飲福皇帝飲福訖奏請執大圭俛伏興又奏請再拜訖乃導還版位西向立俟送神樂止乃奏請詣望燎位至位南向立俟火半柴乃跪奏具官臣某言禮畢皇帝還大次出中壝門外奏請釋大圭皇帝入大次初終獻禮畢司徒侍中太祝各升自卯陞太祝持胙俎進滅天地配位前胙肉加於俎皆取前脚第二節又以黍稷飯共置一籩奉詣司徒侍中後北向立俟皇帝至飲福位太常卿奏請皇帝搢大圭啐酒訖司徒乃進胙俎皇帝受胙訖奉禮郎贊曰賜胙贊者唱曰再拜在位者皆再拜送神樂一成止皇帝既入大次更通天冠絳紗袍升輿至齋宮乘金輅通事舍人引門下侍郎當輅前跪奏稱具官臣某請車駕進發至侍臣上馬所乃跪奏具官臣某請車駕少駐敕侍臣上馬侍中稱制可乃退傳制稱侍臣上馬侍臣上馬畢乃跪奏稱具官臣某請敕車右升千牛將軍升訖跪奏稱具官臣某請車駕進發車駕動前中後三部鼓吹凡十二隊齊作應行禮陪從祀官先詣應天門奉迎再拜大樂令先詣應天門外准備奏樂